






1260



鶴山先生大全文集  
二








重校鶴山先生大全文集卷之九十三 策

武學兵機策一道

世率謂漢初軍制徇秦凡命將出師率多踈畧不若中葉之後選用之詳然嘗取其一代制度而參考之則有不然者高帝知人善任量才授職誅秦燹項所向摧拉者其將非時英盧韓彭等輩也至閉廐也而名廐將主輜重也而名重將將如林之師而名林將將築城之兵而名城將將則有弩將射則有檣煩將騎則有郎騎將以至謹畏則謂之謹將勇特則謂之特將隨才而任之使得各盡其用馬不特此也並兩騎爲軍翼而謂之駢隣衛軍行之止舍而謂之稅衛



掌軍門則有門尉掌旗幟則有幟志掌蔽遮則有塞  
路執子執盾各有其職車司馬騎司馬之各効其用  
長隊將二隊將三隊將之各因其才而游擊將軍以  
游擊爲事長鉞都尉以長鉞爲職蓋雖一技一能未  
嘗不兼收並錄也此等名號隨時建置而初無定制  
邪或秦楚問固有是名也然皆見之於楚漢未決之  
時而海內既定如前所謂諸將之號乃不多見何邪  
當時如木嬰擊豹囊沙誑龍與夫睢敗氐勝漢亦屢  
陣於水矣而獨無掌舟楫之將何邪魏趙齊楚折北  
相繼而此等諸將乃未嘗有顯然可見之功以垂史  
冊何邪豈又量才授職職有所拘而不得逞耶或貴

乎擇人而不必徒泥乎名或所重者在主將而其餘  
皆無益於成敗也又覆漢初任將之制而有疑焉試  
與諸君商訂之

策問一道

問古今治亂得失之變未嘗不自下情之通塞始工  
箴管詩道謗市議此風降三代而無聞焉不謂漢而  
僅存遺意也自高帝十二年燕王之立始詔諸侯王  
而議之見於史者始此自後劉呂王王之議昭露尊  
號之議稍稍見於史然不過及於二三大臣而止也  
文帝至代邸丞相上言與列侯宗室大臣吏二千石  
議其議幾若廢於前矣而即位未幾收幣之議於

平勃肉刑之議止於蒼敬列侯九卿而下胡為而不  
得以預諮訪之末邪然賈誼為博士每詔令議下先  
諸老先生而為之對而後元之詔亦曰令吏二千石  
博士議則是比六百石亦得以預議焉又若初無定  
制何耶建武昭宣元而後築朔方之議及於中大夫  
挾弓矢之議及於光祿大夫侯史高之議及於博士  
罷郡國廟之議見於議郎議出於小臣而可行則罷  
珠崖之議違二府而從特詔賈捐之呼韓邪保塞之  
議違有司而從郎中侯應虜使欲降之議違公卿而  
從光祿大夫谷永朱博得罪不以將軍二千石而廢  
諫大夫勝等之議王家得罪不以驃騎將軍御史而

棄少府猛等之議初不嫌於以卑抗尊也議出於大  
臣而可行則入粟屯田之議皆大臣辯論而不決者  
魏相一言而罷行如響初不嫌於以尊而抑卑也不  
苟同不挾和不順指而天子臨決可否亦未嘗以大  
小為嫌幾若有公天下之意較之高文諸君議不及  
於小臣似若有廣狹之不侔何邪然言路浸廣而治  
日益降豈其徒為具文而未必若高文之誠於聽納  
邪抑外庭失權而朝中加官之士更相論難其議未  
必出於公邪反覆一代之制而有惑焉試與諸君平  
章之

類省別試所策問第一道

問是非非人之良心也不以職分之分合而有異  
同不以時論之向背而為語嘿古先帝王欽承后帝  
顧享率籲羣獻布列有位越小大謀猷罔有攸伏將  
以使人罔不自盡昭事厥辟暨我 國朝列聖相承  
屈已稽泉尤足以盡羣下之情不特分建三少首以欽  
謹出令也中書密院分職授任各班奏事事有人者  
始得同進故有中書進擬有密院進擬有三省進擬  
有三省密院同進擬其別蓋若此趙明與西人戰郭  
達修堡柵二府不嫌於異議唐派閣除左司諫陸佃  
等罷侍講而侍御史謂非西府所當同進副樞欲取  
中書斷案而傳堯俞持之李清臣為吏部尚書聖

嚴叟辯之宰相欲用韓縝鎮北門而韓忠彥爭之自  
今觀之二府同列未始不相親也至於國事則公爾  
忘私凜不可奪抑不知是非大明亦有傷於同寅協  
恭之義否乎不特經由外省許其封駁也關移臺諫  
先事究圖設有奏陳曾無嫌慮故臺諫論陳執中而  
諫官不以為然諫官論蔡確而臺臣以不言罷去至  
於王汾為諫議李常為中司楊畏為察官臺諫亦互  
有抨擊自今觀之臺諫同列宜無所矛盾也而於先  
朝舊制不相往來雖以長官亦無關白遇有賞言空  
臆無隱抑不知善惡大明亦有揚己取名之嫌否乎  
然猶以為未也侍從之臣職親地近論思獻納惟既

厥心蓋不惟轉對可以盡言也或不時 宣詔以備  
顧問不惟經筵有以進對也 國家有大議如濮園  
新法河防邊奏從臣皆得以昌言之 熙寧詔書謂  
言善而不用 朕有厥咎道之而弗言爾為不恭所  
以望於從臣者若此司馬光辭副樞亦曰臣未受恩  
命猶是侍從之臣於 朝廷闕失無不可言者然則  
副樞雖尊返不若從臣之無不可言乎自今觀之所  
謂從臣分曹列局各有攸司謂於 朝廷闕失無不  
可言抑不知論建太廣亦有越職言事之嫌否乎竊  
又有疑焉 祖宗盛時二府合之時以而分之日多  
以分者爲是邪如韓縝以中書獨進擬而私姻戚曾

布以宥府獨奏事而擢宰臣則分者得爲是乎以合  
者爲是邪如 元祐回河之役二府之議適同而迄  
於貽患則合者得爲是乎惟臺諫亦然以異者爲是  
邪始元祐四年以諫官之請而盡罷丞雜以下則得  
無太甚以同者爲是邪如元祐初雖臺諫各與長官  
同對而當時已不謂然矣惟侍從亦然以有言者爲  
是邪有如溱襄本義以議論不向悉從外補則若將  
不可以有言矣以不言者爲是邪有如范純仁所謂  
侍從之臣優游養望退有後言則若又將有瘦管之  
譏矣嘗三復舊典於其分合而觀士氣之屈信因其  
同異而察治道之進否蓋有感於中而不能嘿者詩

曰不憚于位民之攸既表卷之誠願與諸君切磋究之

又一道

善為天下者敵之強不足畏敵之弱不敢忽顧吾所以自治之道何如耳獫狁孔熾我是用急此以弱敵強也而侯誰在矣張仲孝友則敵雖強而不足畏蠡爾蠻荆大邦為讎此以強禦弱也而方叔元老克壯其猶則敵雖弱而不敢忽故凡忽弱而畏強者皆事外忘內者之為也嘗攷諸北狄之始蓋自山戎獫狁至于冒頓而其地始大東抵朝鮮南距長城西接烏孫北窮瀚海匈奴既弱鮮卑嗣興蠕蠕浸衰突厥踵盛回紇僅破契丹崛起女真垂弱韃靼強雖其種

族不一輿替無常而迭相更代長為北邊之患其間惟秦皇漢武長驅深入漢和唐太亦事窮征而卒莫能殄其遺育豈天也間固不可有陽而先陰邪契丹之始至不足道也自入後魏其名始見于中國爰暨五年稍僭位號間擾疆場太宗既平河東聲勢響撼取幽薊如振槁耳然亦不過旋師于幽治其主少國危而復伐之乃以名將銳卒衄于歧溝此何為者哉虜席新勝之餘度剗我邊垂湯搖我鎮定至于咸平景德以來勢益猖獗而乘輿既駕虜折北不支委命下吏求成而退夫太平雍熙以我全盛之力而不能乘虜衰弱之機咸平景德以我宴安之夕乃能抗

虜嗚張之勢豈勝負果不可以人力計邪蕭英劉六符之來既厭所欲肅禧再至又決棄地之議故治平熙寧以後虜勢益驕我師西征未皇北顧元祐以來復主和親遷延至政宣以後則虜已爲安貞所噬不能國矣二虎交鬪我疑若可以分功者是以有赫雲之師以一時宿將悉關陝驕銳之兵當契丹垂亡之餘而不能勝乃返以夾攻背約重安貞之忿其故何耶契丹旣亡女真孔熾航江掣海迫我未已敵之強蓋若此而士氣國威反振于昔西有和尚原殺金平之勝南有大儀李家灣之勝有順昌柘皋之勝數年之間虜掠死扶傷不暇至於金亮之暴而米石亦洲

之勝卒使自斃以強弱之勢論之其相反乃若此豈吾所謂善爲天下者敵之弱不敢忽敵之強不足畏惟內修政事外固封守將無不可爲之時邪自昔夷狄盜有中土未有久而不衰者其造孽所謂叛服去來固自有數者邪抑亦不可委諸數而忘其事也諸君自此仕矣其素講預定以需世用

家塾試策問一道

問厥今試士於有司其有先於疆事乎夷狄相攻中國之福昔人有是言矣其於今也福乎禍乎或曰建炎以來百年之一時不可失也或曰紹興以來屢和之成効固可恃也或曰開禧以來輕舉之當鑒不可

再也或曰按甲毋動緩幣毋遣以委之於事勢之所  
趨而姑名以守斯可矣或曰殘虜垂亡新寇角立決  
非可和之時或曰縱虜未亡而以和款我亦有宣靖  
以來之事可鑒或曰寓戰於守也或曰款敵以和也  
或曰姑安之以待羣寇之自相吞噬也是數說者惡  
乎長 朝廷分道置帥使一切假以遂事之權則萬  
一付予非人寧無誤事必從中覆亦有不及事之憂  
若使節制司總領所得以分其權則又不死掣肘之  
慮今當以何道處之王旅壞於剋剝禁旅陷於不素  
教兵兵阻於有功而不見知士馬物故而不補則不  
給於用補之則力有不贍忠義人有志於事功而不

用則反而讎我用之則費無所出今當以何策救之  
將之粗可用者或多驕恣而妄庸之夫或習爲誕謾  
沉勇之偏裨或見抑於猜忌輕俊之諸校或志在於  
貪功今當以何術御之青徐雍豫密接吾境殘虜之  
虛實諸寇之盛衰此可立知也邊臣以謀報來上亦  
皆可信乎 朝廷以餉兵之計盡付之四總領予之  
以諸郡之財賦而益之以鹽酒山澤之利十年生聚  
爲不少矣脫有風塵之警則和調譁然亦是亦可常乎  
中原倣擾後之望未遂而款塞之衆浸多受之則  
貽後憂拒之則失人心聽其自去自來則卒爲我患  
其間流徙之民或曰計口授田予以牛種或曰散處

諸郡給以衣食不惟游手未作有不願耕之人又慮無以贍其後將驅之出境與恐非所以慰遺黎之望山東西河南北之間固多豪傑隱淪屠敗今豈無人招而徠之徒啓誣妄實之邊郡又恐不靖將聽其銷磨與恐非所以收豪傑之心和羅勸羅私羅何者可從兵運募運賦運其計安出截留合撥綱運以給用度或恐乏公上之供億理已蠲窠名以救目前或恐缺齊民之望是亦所當精講者也而皆未有定之論諸君爲我一言之毋徒指陳已然之病而不及治療之方

家塾再試策問一道

國朝之兵自太祖初定海內不過千有二萬至

太宗以後日增月益極於草聖而西有靈夏之患北有契丹之難然且不過五十餘萬且所用皆正兵至康定慶曆而後正兵增至百萬乃又有河北河東忠義陝西保捷河北弓箭社畿內及諸路保甲河東陝西強壯是正軍之外創募民兵乃始於用何承平無事之日反不若經始多故之時邪非素拊循士大夫也而驅之鋒鏑之下果皆可用乎南渡以來速於強變自三衙禁旅御前諸軍及州縣兵之外民兵之目益繁有荆鄂義勇有洋漢等四郡義有淮南萬弩手有御前萬弩營有沿邊土丁有屯點勇敢義

兵有福建槍杖手有諸路忠義社此皆民自爲守而  
不以靡廩粟者此外又有因其來歸而資爲鄉導生  
長邊方而願爲我用者率謂之忠義人自紹興以來  
頗賴其用然御失其道則憑恃其衆以敵我師然則  
尚得謂之忠義乎將帥既不能孰何聽其所如則往  
往生事于境外稍加逼截則誅曰我捐軀以徇國仗  
義以復讎也而胡爲我沮至反戈以疾視則其勢不  
得不厚資以招集也然苟得所欲則幡然而去願爲  
我用則仰給縣官民力既屈豈能勝此橫賞將於何  
而給之邪此其爲勢決不能久來者必圖所以更張  
之也萬一襲是跡而動殃禍之變寧有已耶韓忠獻

公以義勇刺正兵劉忠肅公亦欲以保甲優等人刺  
正兵二公自謂得因變制宜之道矣而司馬公論我  
勇之害直謂教之挽射擊刺乃他日爲盜之資蘇文  
定論保甲之害亦謂一年不罷則廣勝之事可立而  
待然則今日以忠義分隸正兵其果可恃以爲安乎  
反覆其事渺未有稅駕之期也諸君其爲我籌之

家孰策問一道

自翠華南狩輿地之登于職方者東薄明粵南亓瓊  
崖西盡岷嶓北極淮漢蓋僅當舜十二州之三漢十  
三部之四晉十九州之七爲國若此亦廩廩矣而說  
者曰讎恥所當雪也分義所當明也然而以強弱利

害言則動必有悔其信然乎陸有重關水有長江自  
江以北又爲淮若漢皆天所以限南北也今釋是不  
守而與羣寇角逐於兩河之間則勝負未可知古人  
論事亦專以地利言乎比年以來虜嘗越我邊梁毀  
我江北窺我漢南又嘗奪我西和成鳳梁洋大安之  
險矣尚地利之足恃乎九十年間生聚教訓亦豈不  
蒙和戎之利今使幣之不通又矣脫又繼好寧不示  
弱於他寇取輕於亡虜乎於其垂亡而猶與之和果  
可以紓目前之急乎無已則有戰耳出淮蔡可以睨  
陳出海道可以擣青齊出襄陝可以襲許出汝可以  
通洛出嵩號可以震河東出商於秦鳳可以圖陝西

此雖武夫小人亦能按圖言之然中興以來固嘗得  
河南而復失矣得陝西十三州而旋棄之矣舉唐鄧  
海泗而授人矣自淮入泗自泗入宿紹興開禧凡再  
至而再劔矣休兵息民之久取之而不能得得之而  
不能守而謂今可爲乎沿邊之民習見其爾今復我  
信乎或曰資山東忠義我可以乎取青徐結約夏人可  
以夾攻關陝撫納宕昌十八蕃族可以援西和諧文  
然非我族類亦可保信乎我未有以致人之服從而  
赤手空拳以御狙詐得乎譬彼舟流莫知所屆願與  
諸君切磋究之

宗子取應策問一道

宗子取應之制務從寬易凡以厚同姓厚親親也雖然酌以古制竊有感焉古之教者必由小學自幼儀簡諒方甲書名禮樂射御具有次第蓋將陶鑄氣質涵養性端以為知類格物之基非以勞之也經傳所載小學大學之年雖互有不同然大要自成人以至強仕自有二十餘年講學之功今教養之序淺而祿仕之意多母乃強之以學問乎取之以科舉之文自其童習固已勸趨利祿寧不為德性之害乎或曰所謂強仕者疑以用之鄉人及異姓也不然何其無別乎然古者王子羣后之太子與鄉人偕齒于學自造士以上官爵位祿未嘗有貴賤戚疏之別也今自行

都以及郡國皆有學校科舉而王族之子第曾不得與寒賤齒將以厚之也母乃祇以為薄乎中興以來冠進士擢詞學舉童子者往往出於宗英寧可謂無人乎或又曰前所疑皆商制也周之宗盟其若是乎周制大抵仍商而外用之次又加嚴焉諸君攷其德行道藝而進退之蓋有已入太學而復退之君宿衛者號故士其新外試士未得正爵者號新士蓋有已外諸司馬而未遽爵者貴游子第杜子春謂雖貴猶學蓋有已貴而猶在學者三等采地王子母弟之邑也而鄭氏釋中庸乃曰尊重其祿所以貴之而必授官守然則又有已祿而不授以官守者今務從寬易

以廣宗英視商周孰為然邪諸君其深惟古義矣酌  
今制相與切磋究之

重校鶴山先生大全文集卷九十二

重校鶴山先生大全文集卷之九十四  
長短句

和孫蒲江

上元詞

又見玉正班玉瑞霽月光風恰與元宵際橫玉一聲  
天似水陽春到處皆生意十載奔馳今我里昔元  
非未信今皆是風月惺惺人自醉却將醉眼看榮悴

虞永康

剛備

所築美功堂于城南以端午落

成唐涪州賦水調歌即席以韻

江水自石細灌口怒騰輝使如魚水北出迤邐到三  
危百尺長虹天矯兩岸蒼龍偃蹇翠碧妥因依古樹  
百丈長脩竹萬竿旗畫堂開風與月巧相隨史君

領客行樂旌纛立披披慨想二江遺蹟更起三閭忠憤此日最爲宜推本美功意禹甸六章詩

張茶馬

生日 六月十八日

輕露淪殘暑蟾影揮高寒團團只似前夕持向老萊看九表元開公登第六甲更逢兒換梧竹擁檀欒都把方寸地散作萬壑煙錦邊城雲間戍雪中山風流老監在此憂顧艱深宵笑上玉顏合笑堂上酖顏如酒家國兩平安又恐玉川子茗椀送飛翰

楊宗慶 生日

風露浸秋色煙雨媚湖弦旌旗十里小隊擬約醜壇僊身在黃旗朱郎名在玉皇香案底事箇人傳正恐

未免耳驚攢日高眠虎分符龍握節鹿銜轡於君本亦餘事所樂不存焉一點春風和氣無限藍田種子渺渺玉生煙富貴誰不有借問此何緣

趙運判

師芳

生日

萬里蜀山險難以上青天誰知聞有人心之險甚山川賴得皇華星使滿載春風和氣來自鑑湖邊更識方寸地四十萬雲煙佩瓏璫冠冕櫛組蟬聯眼前富貴餘事所樂不存焉聞道漢家子政博考蘭臺載籍貫次着千年會有太一老同結海山緣

廣漢士民迭別用韓推官韻爲謝

萬人遮道撥不斷爭挽房湖逐客臣罪既盈應九死

全荷君王矜側况是當年曾將愚技十字街頭立恩  
波浩蕩孤忠未報泪滴 世事應若穿楊一弦不到  
前發皆虛的自判此生元有分不管筮筮龜食靴帽  
叢中魚樵席上無入非吾得倚湖一筵夜深羣動皆息

杜安人生日

九十秋光三十八新居初度稱觴青衫綠服列郎娘  
孫枝無處着猶欠兩東床 盡是實親手種如今滿  
院芬芳只憑方寸塔奩餐舊箇中無盡藏誰弱又誰彊

送嘉甫弟赴眉山

細雨斜風驅曉瘴綽開坦坦長途膏車秣馬問程初  
梅梢迎候騎鴈影度平蕪 行已不論官小大窮樵

無人會獨倚團團羊角便含瑟鏗然而作客室中間  
分明見暮禽飛不盡天空闊青山外斷霞末 看來  
此意無今昨都不論窮通得失鎮長和樂此道舒之  
彌八極卷却盈一握但長把根基恢拓將相時來  
皆可做似君家祖烈彌關洛康國步整戎略

七夕之明日載酒李彭州

在家即席賦

銀潢濯月金莖團露一日清於一日昨霄雲雨暗河  
橋似剗地不如今夕 乘查信斷檣機人去誤了橋  
邊消息天孫問我巧何如正為怕不曾陳乞

李彭州

在生日

促織誰遣汝唧唧不能休攬衣起觀四顧河漢淡如

油盡下南山蒼蔚風林西湖菱芰客感浩悠悠尚此  
推不去歲壽兩公侯 自侯歸間日月幾春秋東方  
千騎何事白首去為州會有葛公清侶携上神仙官  
府玉案侍前流却袖經綸手歸伴赤松遊

王總卿 生日

自王家無恙住襄城世總生賢似謝堦蘭玉馬庭梧  
竹一一堪憐富貴關人何事且問此何緣又踏前朝  
脚領蜀山川 點檢重關複閣尚甘棠匝地喬木參  
天中興規畫父老至今傳六十年山河未改只芳菲  
不斷緊相聯相將又參陪宰席還似當年

別李參政 壁

此別情何限最關情一林醒石重湖賓雁幾度南樓  
携手上十二闌干凭暖肯容我樽前踈散底事匆忽  
催人去黯西風別恨千千萬截不斷整仍亂 二年  
瞥忽如飛靈記從前心情雙亮意詞交割千古黎蘇  
登臨意人道於今重見又分付水流冰泮滿腹餘疑  
今誰問上牛頭淨拭乾坤眼聊爾耳恐不免

許遂寧 生日

多少龍頭客數從前何官不做清名難得萬里將壇  
歸報漢青鎖還應催當夕又一葉扁舟去因許史廬  
前車成霧未如公正怕雲霄逼留不盡二三策 一  
聲千里樓前笛過天涯浮雲不斷鎖長秋色試上層

樓分明看無數水送山碧問此意有誰曾識獨抱孤  
衷蒼茫外滿闌干都是長安日終有待佐皇極

和瞻叔兄除夕

一年一度屠蘇酒老我驚多又明年豈是更無年已  
是虛過三十八年前世間何物堪稱好家有斑衣  
老相期他日早還歸怕似瞻由出處不曾齊

劉左史光祖生日

岸容山意隨春好在春風獨立立盡間雲來又去  
目斷一天紅日豈不懷歸於焉信宿此意無人識只  
看鬢髮絲絲都為人白風露正滿人間勦勦睡息  
渾不知南北要上南山披薈蔚誰是同心相覓天運

樓湖上龜魚何事橋上鴈犀誰使爭挽海山舟便遣  
舊姻媿解后作斯遊晚風清初暑漲暮雲收空堂  
高會恍疑僊女下羅浮好是郎有女况是史君有  
婦同對藕花洲擬把鶴山月換却鑑湖秋

張邛州師夔生日

腰着萬釘犀玉夸肘垂斗大金章非關性分摠尋常  
要知真樂處綵服鬢毛蒼浩蕩春風生玉樹冰  
盛滿院芬芳斗城無處着韶老會歸天上去長捧伯  
仁觴

趙運判師芳生日四月十一日

有匪碧巖使滿腹鑑湖秋不居上界官府來作散僊

遊長珮萬冠人偉組練錦袍官貴清獻舊風流杓柄  
長多少洗盡蜀民愁 鷄冠貂尾雲路鷺鷥軒時來  
正恐不免留滯劍南州簾捲西州風雨庭行百城歌  
鞞桃李翠雲稠誰謂蜀山遠只在殿山頭

張總領

生日

家住峨山趾暑風輕爽泉漱玉五坡攢翠坡上主人  
歸無計夢泛滄波清泚曾拜奏前旒十二願上皇華  
將親去及翁兒未老相扶杖屨幾段過閭里壘書未  
報人相謂倚西風胡塵漲野隱憂如蠟就似東門賢  
父子祇恐榮親猶未待洗盡岷峨憔悴便把手中長  
杓柄爲公荒更作無邊施却上表乞歸侍

管待李眉州

勸酒

十載文盟可重尋賸於崇艾細論心雲障晚日供秋  
思風通荷書作晚陰 絳勝引鉢塵襟未須紫馬去  
鬢駸坡環無計留君住但乞天公三日霖

管待李參政

勸酒

落日下平楚秋色到方塘人間往暑難耐獨有此清  
涼龍卷八荒霖雨鶴闕十州風露四薄水雲鄉欲識  
千里潤託取玉流芳 石蘭衣江籬佩芝荷裳箇中  
自有服媚何必錦名堂吸取玻璃清漲喚起逍遙舊  
夢人物儼相望矯首望歸路三十六塵皇

管待楊伯昌

勸酒

獨立西風裏，敢無塵。明河掛斗，碧天如洗。鳩鵲樓前，  
迎風颯吹。墮乘槎星使，弄丸扎機中，巧思織就天孫  
雲錦段。尚輕陰未閉，留纖翳，親爲挽天潢水。等閒  
富貴浮雲，似須存留幾分。清論護持元氣，曾把古今  
興亡事，奏向前旒。十二雖才，國言猶在耳。念我獨古  
誰與共，謾疑思。一日如三歲，夜耿耿，不皇寐。

李提刑冲佑生日

溽露浸秋色，零雨灑湖弦。做成特地風月，管領老臞  
仙。鴈落村閭，杯影魚鱗，橋邊柱杖。慮澹境長，偏祗恐  
未免耳。鷺攬日高眠。龍握節，貂插紫鹿，街轡於公  
元。只餘事所樂，不存焉。手植藍田種子，無數踏庭成。

樹鬱鬱紫生煙，富貴姑勿道，借問此何緣。

王幼安領

生日 八月六日

輕露瀟殘暑，截魄擬初。松天台，萬八千丈，中有紫霞  
僊。正理中樞，舊武却憶鄰環。昨夢重上蜀書天，只守  
伯禽法。駟野萬雲煙。錦川星郎位宿，又移躔，爲無  
結輩十數，踏遍蜀山川。人識紹興奉使家，有顯謨科  
約，慧命得公傳。從此造朝去，兩地亦青氈。

利路楊憲生日

歲歲爲公壽，著語不能新。自公持節北去，我亦有遐  
征。坐我碧瑤洞府，被我石榴嘉蔭，冰柱向人清。待屈  
西風指玉事，有期程。我嘗聞由漢水，達河津。癡牛

駿女會馳騁有凡槎人便向漢川東畔直透銀河左  
界去上白雲京袖有傳婚研我欲丐餘芬

選張總領

知年來幾番拜疏但言歸去歸去問歸有底忽忙事  
得徒陳情良苦天未許將花綾藻衣為掃儀庭羽掉  
頭不顧念白髮翁兒本來天分不是折腰具徒頭數  
多少漢庭替組滔滔車馬成霧爭如祖帳東門外父  
子纏縛高舉我眉下有幾許湖山無着春風處留君  
不住但遠景樓前追陪校履莫忘却別時語

和趙黎州

陪李參政壁遊醴泉西園

沙堤除道火成城換得午橋清寒色般添酒令野芳

抵當鏽羹

松聲花氣岸容山意浦思溪情詎記

時勝引坐中喜得閒平

李參政壁生日十一月二十四日

曾記武林日歲上德星堂相君襟度夷雅容我少年  
狂輦路外平風月禁陌清時鐘鼓唯子須五迭紫霞  
觴回首十年事解后袞衣鄉擬口也古今夢元一轍謾千  
場紛紛間較目睫誰解識方將霜落南山秋實風卷  
北鄰夜燎世事正忽忙天意那可問只願善人昌

選表黎州

拊

曉色矐矐雲日澹綽開坦坦長途西寧太守問程初  
梅梢迎候騎柳樹困平蕪九折卬峽渾可事不妨叱

馭先驅平平豈是策真無撫摩迂事業細密鈍功夫  
安大使丙生日

人物正寥闊有美萬夫望七年填樹方面帷幄自金  
湯千尺玉龍銜詔六尺寶勒照路載績滿旂常富貴  
姑勿道難得此芬芳 嘗試看今古夢幾千場人情  
但較目睫誰解識方將霜落南山秋實風卷北鄰夜  
燎世事正忽忙海內知公者只願壽而臧

上元放燈約東坡前燈火

怪見江鄉文物地輕豪爭逐春妍銀花斜躡紫金鞭  
千燈渾是淚一笑不論錢 今歲遨頭窮相眼繁華  
不學常年只余底事索人憐詩書真氣味農扈老風煙

次韻史少弼致政賦李參政西園海棠

日日春風滿範圍海棠又發去年枝月籠火樹更深  
後露滴珠支曉起時 看不足醉為期宵征寧問角  
巾歌一春好處無多子不分西園掇取歸

同日李提刑亦有詞因次韻

脚踏西郊紅世界才知春意分明不須更說錦官城  
香來遊冶騎得得為濕停停到花眠人且去酒杯苦  
欲留行直須醉飲到參橫不因歌白雪三日作狂醒

郡圃新開雲月胡約客試小舫

攬掇花枝趨那天氣一半春休未分真休平湖新漲  
稚綠初抽 等閒作箇扁舟便都把湖光捲收世事

元來都緣本不在他求

錢黃侍郎 曉若 勸酒

向江頭幾回凝望垂楊那畔舟纜繫江神似識東歸  
意故放一篙春水卻慙被三百里人家祖帳連天起  
且行且止便為汝停留三朝兩日如此只如此 還  
須看世上曼端如蠟一杆白黑棊子肥邊瘦腹都閒  
事畢竟到頭何似當此際要識沈思一着惺惺地  
目前誰是料當為諸公斂容縮手日夜待公至

楊提刑 子謨 生日

有匪碧嵩使長珮奏琅球明前初暑才張一室淡於  
秋簾捲我背煙兩袖披西川風露滿眼綠陰稠人物

眇然甚得似此風流 此何時公猶帶劍南州分明  
憂在自睫只恁付悠悠未問人謀當否須信天生賢  
哲不只等閒休努力崇明德巨浸要平舟

趙茶馬 師為 生日

漢使來何許到如今天邊又是薰絃三度見說山深  
人睡穩細雨自催茶力向滴博雲間看取料得權奇  
空卻俊拍浮雲萬里追風去跨燕越抹秦楚 不妨  
且為斯人駐五年來曼端未歇壯懷誰吐頃刻陰晴  
十萬態怎解綢繆未雨筭此事誰寬西顧待洗岷峩  
悽愴氣為公荒更着深長慮間兩社輔明主

鮮于安撫

勸酒

固陵江上暮雲急，一夜打頭風雨催。送春江舡上水，笑拍山歸去。靴帽叢中漁樵席，上揔是安行處。惟餘舊話爲公，今日拈取。見說家近岷山翠雲平。楚萬古青如故，要把平生三萬軸，喚取山靈分付。廬草蒿高睢陽岳麓會，與岷爲伍。及時須做鬢邊應，未遲暮。頃得手書，及此故云。

生日謝寄唐見任官載酒

三十七歲

怕年來年去漸雅志，易華顛。嘆夢裏青藜，問邊銀信望外，朱轡十年竟成何事。雖萬鍾於我，曷加焉。海上潮生，潮落山頭雲去，雲還。人生天地兩儀間，只住百來年。今三紀虛過，七旬強半，四帙看看。當時只憂

不見恐如今見得，又徒然。夜靜花間，明露曉涼，竹外晴煙。

張總領

生日

六月十八日

有美人兮，招不至。幾回凝佇，應只爲家山自好，不堪他顧。忙裏抽頭，真得計。閒中袖手，看成趣。念從前出處，揔無心。天分付。雲冉冉，更吞吞吐吐，泉活活，無朝暮。與自家意思一般，客與月壑曉寒，垂葉露風，窓午睡連山雨。看蒼顏白髮，兩間人摩今古。

和李提刑至見貽生日韻

宇宙中間，還獨笑。誰踈誰密，正從客行處。山停川溢，鍾鼎勒銘，模物象山林。賜路開行，事要不如曾次。祇

熙熙無今昔 便百中穿牙戟怕六鑿生虛室為幽  
香小佇旋供吟筆人事未須勞預慮天公渾不消余  
力看雨餘雲捲約簾旌明紅日

送宇文侍郎 知漢州勸酒

尚憶都門祖帳時重來勳是十年期雲拖暮雨留行  
色露挾秋涼入酒卮 湖上鴈水邊犀未須矯首嘆  
來遲北風滿地塵沙暗宣室方勞丙夜思

李提刑 生口

秋意冷然對宇宙一尊相屬君看取都無凝滯天機  
純熟水拍池塘鴻鴈聚露濃庭晚芝蘭馥笑何曾一  
事上眉頭紫心曲 興不淺船明玉人更健巾橫幅

問人間底處外沉遲速氣眩晴虹半吐眼明平楚  
雲相逐但年年屈指問西風驚新綠

次韻李參政 朝陽閣落成

月落星稀露氣香煙銷日出曉光涼天東扶木三千  
丈一片丹心似許長 淇以北洛之陽買花移竹且  
迷藏九重閭闔開東道未信低回兩鬢霜

李參政 生口

湖水平漪與我意一般容與任多少雙鳧乘鴈落花  
飛絮露冷雲寒煙外竹霜明日紫梅邊路怪天隨人  
意作陰晴無非數 方寸地圖書府老太史親分付  
況身名四海未為不遇用舍行藏皆有命時來將相

還須做且間中袖手閑時人摩今古

鄧倅子美生日

許時閉戶間疎散風月無人管自從陽律一番新又  
把前回風月送西鄰 浮雲富貴非公願只願公身  
健更教剩活百來年此老終須不枉在人間

任隆慶之母正月十一日生隆慶十二日生日

無邊春色試從漢諭堂邊看身前上壽孫扶掖九十  
娘娘身是五朝客 眼前富貴渾閒歷箇中真樂天  
然的兒孫強勸持餘瀝娘道休休明日兒生日

堂名漢諭

燕甲戌進士歸自都城

古談士夫郡猶欠殿頭魁記曾分付公等行矣勉之

哉世事奕基無定甲子循還復爾不免且低回人物  
價自定萬事付銜杯 試與公同握手上春臺繁紅  
麗紫何限轉首便塵埃欲識化工定處須向報秋時  
節未用較先開休道屋猶矮鄉相箇中來

張靜甫之母夫人生日

天為西南分八使更分四道蕃臣爭如齒宿綠衣新  
親年開百歲又見子生孫 一度平反供一笑無邊

桃李皆春便歸天上極恩榮為君圖壽母

去年曾以壽母圖為

獻更看太夫人

叔母生日

前數月西叔方以女妻唐述之故未詳云云

遙想庭闈上壽時芝蘭王樹儼成圍問娘鼎鼎修何

行一樣都生及第兒 春淡沲日熹微兩頭娘子玉  
東西一杯更爲諸孫壽子舍新來恰上楣

某既賦小閼爲叔母壽因復惟念昔者未嘗

不得與稱觴之列今迎侍不果又以簡書不

克往侍缺然于懷再遣小閼託諸兄代勸

記得年年阿奴碌碌常在眼前絲觴吳天錦輪蜀地

閱盡山川 今年苦戀家園便咫尺千山萬山但想

稱觴三荆樹下叢桂堂邊

次韻虞萬州 剛簡以謁金門曲爲叔母壽

那復有氣味醜於春酒猶向故鄉懷印綬相過何日

又吐出心腸錦綉問我阿娘依舊娘亦祝君如栢

壽相看霜雪後


即席和李參政 壁 白笑花清平樂

藍田玉種爲我酬清供香壓冰肌猶怕重更倩留仙

羣捧 看花美倩偏玉舉花消息方濃此笑知誰領

解無言獨倚東風

重校鶴山先生大全文集卷之九十四



重校鶴山先生大全文集卷之九十五

長短句

次韻李提刑

至白笑詞併呈李參政

壁

誰分天種來上花  
鬢供綠葉素雲姿  
雅重那得愁心  
頻捧他花自是無  
工不關香淡香濃  
才問為誰含笑盈  
盈靴面歌風

約李彭州

至兄弟看芳舟有賦

雙荔堂前呼大樾  
蚪枝看取垂垂帝  
憐塵土著冰姿  
故教凍雨過浴出  
萬紅衣綠幃  
想圓高下處  
中含玉色清  
夷苑人應笑  
太真肥破除千古  
恨須待謫仙詩

李參政

至領客訪環湖瑞蓮席間索賦

曉鏡掛空瑤奩，夜盤承露掌。分文翠結，約拋無華。  
欲往從之空悵，望潛雖伏矣。莫藏遮。浹況深處，瑞蓮花。

李參政壁

賦浣溪沙二首，再次韻謝之。

一日嘉名萬口傳，都憑新樂播芳音。非關呈瑞作人  
妍。地褊不妨金步穩，境幽生怕鼓聲填。餘尊相與  
重留連。

密葉留香護境天，好風時雨媚清漣。亭亭雙秀倚湖

弦。造化曾居公掌握，呈祥寧許百花先。聊占棣萼

薦芳連。

析子厚雙蓮表雙  
花權秀連帶垂芳

試問伊誰若是，班二喬。銅雀鎖孱顏。千年浪露尚餘  
濟。羞向眼前供嫵媚，獨於靜處，愜幽嬾。人情多少

逐河間

生日謝寓公載酒

只記來時節，又三年。朱熹過了恰如時。霎獨立薰風  
蒼翠外，笑傍瓊湖花月。多少事，欲拈還，輟扶木之陰。  
三千丈，遠茫茫，無計推華髮。驀過二十八。此身待  
向清尊說，似江頭。汎乎木繫扁舟。一葉將我東西南  
北去，都任長年旋折。風不定，川雲如撇。惟有君恩，渾  
未報。又故山猿鶴，催歸切。料准酒，緩歌闋。

和李參政

壁惠生日

物象芸芸知幾許，功夫來格更時。把荷衣芟製，從容  
平慰雲深。天空詩獻狀，竹深花靜，機藏密對。窓前屏

岫老儀刑真顏色 商古道誰傳匹評今士誰釣敵  
向平舟問碼父間霜翻枰上舉碁元不定磨邊旋蟻  
何曾息憊天公有意要平治饒華髮

送簡池宋倅

之官即席賦

脩矐人物元如許誰把屏星留卻弄破我眉山月影  
似作平分消息捲霧名譚翳盡長袖未稱三池客且  
然袖手人間煩暑方劇一分手未見前期風前耿耿  
目斷斜陽角亦欲乘風歸去也問評故山猿鶴統鼓催  
雞揮弦送鴈轉首成乖各願加餐飯書來頻寄新作

震萬州

剛簡

生日用所惠詞韻

久向間邊看對滄江煙輕日淡雨疎雲薄一片間心

不問精粗只從厚處作去聲規模簡編汗事業屋漏批  
功夫

和簡廣安

感皇恩韻

三峽打頭風吹回荆步坎流行謾隨遇須更風靜重  
踏西來舊武世間憂喜地分明觀喜事雖新憂端  
依舊徒為岷我自權舞陰雲掩映天末扣關無路一  
鞭歸去也鷓鴣為侶

登白鶴山憶前韻呈同遊諸丈

闌風長雨連宵昨朝晴色隨軒驟松聲花氣江煙浦  
樹如相迎候山遠青來僧隨麥去山為吾有更稽筇  
直上聲蘿深處雲垂幃蘚成甃未至相如獨後對

山尊勸醉多又記曾犯雪重來已是綠肥紅瘦好語  
時聞憂端未歇倚風搔首漫持觴自慰冰山安在此  
山如舊去來時  
無恙也

次韻西叔兄詠蘭

玉質金相長自守閒庭閨室對黃昏月冷朦朧霧滉  
知我者希常我貴於人不即而人即彼云云謾自怨  
靈均傷蘭植屈平子建橫世之不見知離騷常以蘭  
自况而子建亦謂秋蘭可喻桂樹冬榮  
鷓鴣亂春芳寂絡緯叫池英摘惟國香耐久素秋同  
德既向靜中觀性分偏於發處知生色待到頭聲臭  
兩無時真聞識

兵制置獵生日

世界要扶助人物載者莫茫茫四海誰識今代有  
臣萬頃青湖佳氣一片紫巖心事夫付與斯人登登  
鐵冠吏表表自雲卿海沮漳城漢郢宅峨岷規摹  
妙處曾次納納幾滄瀛未說今公二紀先看武公百  
歲年與學俱新星弁百檢進太子四時春

和黃侍郎晴若見貽生日韻

萬里載浮名憶昔從容下帝京卅卅七年如昨夢分  
明贏得存存夜氣清誰使濫專城有罪當誅尚薄  
刑細數當時同省士皆卿落落韶陽獨九齡

張致政生日

冬至子之半玉筯鐺微陽壺中別有天地轉覺日增

長一樣金章紫服一樣朱顏綠髮  
秀鬢相儼相望羽是修何行未已  
且方將玉生煙蘭鬢秀絲成行  
羽無他智只把一念及暮餐君  
今日列城桃李他日分流雨露  
都是乃翁莊典數義方訓不說  
賢家郎

楊子有德輔母夫人生日

尚憶去年稱壽日絲衣猶帶天香  
今年還見鴈成行兩頭娘子拜  
笑領伯仁觴知是幾年培植底如

今滿院芬芳只憑方寸蒼蒼  
春風來不斷點綴艷陽粧

婦生朝李侔 同其女載酒為壽用韻謝之

曾向君王說臣願守嘉州風流別乘  
初由元在越王

無窮事機難料只有儲才急願公壽考  
養成元祐人物

和劉左史光祖人日游南山追和去春詞韻

天公只解作豐年不相治遊天小隊  
春旗不動行庖晚突無煙吟鬚  
熱新寒爐撥盡鴈自天邊喚起主

人失笑寒灰依舊重然公所論聖忌日事凡歷二十年而所上疏亦半年飲才見施行故云

元夕行燈轎上賦洞庭春色呈劉左史

花帽簷眉行寶釵梁畔還是上元看  
去年芳草如今又綠當時皓月此夕  
仍圓節序驅人人不解道歲歲年年  
都一般看承處有燭龍照夜鐵鳳連  
天東風不知倦客又吹向樓閣山巔  
任管絃閑處詩豪得志綺羅香裏  
俠少當權客與溪翁無一事但隨俗  
簪花含

笑看無限意更醉騎花影飽看當年

次韻劉左史光祖自和去年元夕詞

春漏逢懽恐不深銀花火樹聚成林酒中和樂無窮  
味燭裏光明一寸心 金馬湖玉堂尋風流文獻未  
如今連霄坐我東風裏春滿肝脾月滿襟

劉左史光祖夫人生日

劉郎初度隨春到尚記絲衣春立又上夫人千歲壽  
相望不爭旬日琴瑟儀刑山河態度長是春風識都  
將和氣蒸成滿院紅白 我被五斗紅陳三外官酒  
驅到郵城北解后相逢同一笑此會幾年難覓寶蠟  
燒春化光縞夜未放觥籌忘天然真樂儻來知是疣物

同官載酒為叔母壽次韻為謝時自潼過遂

射共官酒元曾醉又六十八年重至長江驛畔水如

藍也應似向人重翠 人生豈必高官貴願長對詩

書習氣陶家驕子作賓筵有如小嘉賓也未外坦謙  
公初任

射洪簿再為長江令  
叔母生干射洪故云

叔母生日用許侍郎奕所和去歲詞韻為謝

誰主誰為客嘆人生別離容易會逢難得省戶高門

十年夢覺忽渾如昨夕風不定亂雲飛急本自無心

圖富貴也元知富貴無緣逼且還我兔園策 誰知

一曲柯亭笛向天涯依然解后長安本色怪我阿嬰

今老眼已是看朱成碧但猶記黃裳曾識多謝殷勤

無以報願阿嬬長健如今日送公去上霄極

和虞萬州剛簡所惠叔母生日詞韻

人生一世如此元如此造化都從起時起看庭前桃李  
弄蕊開花還又看一度成陰結子 母壽親認取  
葉葉枝枝一氣分來結成底更得故人書遺我新詞  
把寸心分明指似信過眼浮華幾何時剩培植根心  
等閒千歲

婦生日許侍郎奕載酒用韻為謝

曾記劉安雞犬誤隨鼎竈登仙十年塵土浣行纏怪  
見霞觴頻勸 會合元非擇地乖逢寧得非天婦聞  
風月正嬾娟親潑床頭醅面

叔母生日劉左史光祖以余春時所與為壽

詞韻見賦復用韻謝之

夢中猶記來時路五馬踟躕橫立江北城南春澹沲  
山鎖一天晴日伊軋征車徊徨去意只有東風識如  
今遠在誰人伴我浮白 天外曲陽春依然有脚來  
到萱堂比不是奇情雙照亮肯寄鱗鴻相覓酒引曹  
醇歌翻楚調觸撥歸心急醉竟時遶鸞花世界風物

叔母生日

人道三十九歲暮日斜時兒今如許才覺三十九年  
非昨被玉山樓取今仗牛山挽住役役不知疲自己  
未能信漫仕亦何為 亦何為應自嘆不如歸問歸

亦有何好堂上綵成圍上下東岡南陌來往北鄰西  
舍邊地看兒啼富貴適然耳此樂幾人知

和費五九文

見惠生日韻

早歲騰身躋輦路秋月春風只作渾閒度手挾雷公  
驅電母袖中雙劍蛟龍舞如此壯心空浪許四十  
明朝忍把流年數又過一番生日去壽觴羞對親朋舉

新亭落成約劉左史

光祖

和見惠生日韻

又一番雨過倚閣炎威採支秋色前度劉郎爲故園  
一出黃髮絲絲赤心片片儼中朝人物詩裏香山酒  
中六一花前康節倦客才歸新亭恰就萱徑蔭濃  
葛林香發尊酒相逢看露花風葉躍躍精神生生意

思入眼渾如滌更祝天公收回積潦放開晴日

又雨故云

次韻李參政

見賒生日

水花湖蕩翠連天記年年甚因緣聞鳴闌干雲霧踏  
青妍人似風流唐太白披紫綺卧青蓮如今別思  
浩如川欲騰騫隔風煙月到天心人影在長編只有  
此身飛不去翔鴈側狎鷗邊

和許侍郎

奕韻

千里樓前客數從前幾般契分更誰同得尚記流鶯  
催人去又見莎鷄當夕嘆天運相煎何急幸自江山  
皆吾土被南薰吹信還相逼臨大路控長策向來  
風月蘇家笛問天邊玉堂何似黃岡秋色萬事無心

隨處好風定一川澄碧夢箇事非公誰識我亦年來  
知此意但聰明不及於前日誰爲我拍無極

賀劉左史

光祖

進職奉祠

許大才名知幾許功夫做得獨自殿三朝耆舊歸然  
山立出處只從心打當去留不管人怕戚抱孤衷脉  
脉倚秋風無人識 龍可養凡鱗匹鸞可執凡禽敵  
便翩然歸作玉龍僊客杯上舉棋元不定磨邊旋蟻  
何曾息儻天公有意要平治須華髮

劉左史

光祖

別席和韻

一襟滿貯梓城春笑聲頻筆揮銀自有江山長是管  
將迎不似如今歸去客雲外步水邊身 蕭然今代

傑魁人混光塵越精神不把浮雲軒冕拂天真化洽  
堂邊應創見人物舊榜顏新

約劉左史

光祖

謝會再和

如公何地不陽春往來頻醉傾銀聞道河陽童穉正  
懽迎移向德威堂上着疑潞國是前身 行人還又  
送行人夜無塵對丰神自古心知別語轉情直須信  
人生歸去好三徑舊四時新

又

西來紫馬倦行春上書類闕排銀願聽臣歸子舍便  
將迎又爲老臣全晚節關教化係臣身 帝心終睦  
老成人想音塵倍留神且把間風淡月與全真出處

如公都有數今古夢幾番新

同官酌酒相賀再和前韻

與君同醉梓州春不辭頻漏更銀尚記梅時出郭喜  
相迎又對西風斟別酒雲過眼月分身 儻來官職  
不關人等微塵苦勞神更向中間謾說假和真只有  
交朋關分義無久近與陳新

別許侍郎奕即席賦

公在春官我已歸公來東蜀我居西及公自遂移潼  
日正我由潼使遂時 如有礙巧相違人生禁得幾  
分飛只祈彼此身長健同處何曾有別離

許侍郎

奕生日十月二十四日

記北人騎屋看龍首許仲元自擁節來歸持荷直上  
誰與爭先好官到頭做徹夢兒欠缺便徒然我愛慶  
元龍首當春不逐時妍 人生天地兩儀間且住百  
來年數初度庚寅未來甲子儘自寬間太平竟須公  
等終不成造物謾生賢拓取面前路徑着身常要平寬

宴遂寧新進士

記薰風殿上曾當暑侍君王看絳服臨軒白袍當殿  
流汗翻漿今年詔書催發趁槐庭初夏午陰涼瘦馬  
行時臘雪疊猿啼處年光 大科異等士之常難得  
姓名香嘆陋習相承駟轅垂耳麟擅成行平生學為  
何事到得時遇主忍留藏看取杏花歸路身名渾是

芬芳

即席和韻

問梅花月裏誰解唱小秦王向三疊聲中蘭撓荃掉  
桂醕椒漿明朝漢渝江上對暮雲草野北風涼準擬  
八千里路破除九十春光 硯涵槐影漾旂常披拂  
御爐香念人世難逢玉塔方寸陞楯顏行休言舉人  
文字繫一生窮達與行藏凡卉都隨歲換幽蘭不為  
人芳

西江月夢中作覺後渾能省記獨欠第五句

因足成之曉起大雪

一段同雲似練更無刺幅間邊玉娥不怕五更寒剪

就飛花片片 酒裏吟邊競爽枝頭枝底爭妍入春

無物不芳鮮只我依然顏面

許侍郎 奕碩人生日 十二月二十二日

新符舊曆交新新年餘七日誰識春華元住東川太  
守家 一年一曲擬盡形容無可祝願似庭梅長向

春風伴斗魁

劉左史 光祖生日 正月十日

見說新來把間事都祇關東日用處渾無凝滯天機  
純熟蕪篋卷春風表靜好屏移曉日蘭芬馥笑可曾步  
子上眉頭繫心曲 吞宇宙無明玉批風月詩成趣  
問人間底處外沈榮辱與我言今雖我願不吾以也

吾常足但年年先後放燈時

新醪先後放燈併謂夫  
人十九日生也

同官約瞻叔兄

飲于郡園海棠花下遣

酒代勸

東君慣得花無賴看不盡  
治容嬌態擬傍小車來  
又被輕陰給陰晴長是隨人改  
且特地留花相待  
醉故尋常生意長如海

與同官飲于海棠花下燒燭照花即席賦

自有天然真富貴本來不為人  
妍謹將醉眼着繁邊  
更擊高燭照驚攪及深眠  
花不能言還自笑何須  
有許多般薄空明月四垂天  
柳邊紅沁露竹外翠欺煙  
次韻同官約瞻叔兄  
及楊仲博約負郡

圃牡丹併遣酒代勸

玳筵綺席繡芙蓉客意樂融融  
吟罷風頭擺翠醉餘  
日脚沉紅簡書拜我賞心無託  
笑口難逢夢草間  
眠暮雨落花獨倚春風

東叔兄生日

去歲玉堂山下住毋勞後第前  
哥今年作縣古松坡  
靜參朱紫酒間印馬頭陀  
去路更無山隔斷春風  
跋馬經過不妨緩轡儘堪安  
願申臨別語長使得天多  
小圃牡丹盛開舊朋畢至小園寓意

昨夕相逢燻包心綠月艷羞紅  
旭日生時初春景裏  
太極光中別來三日東風已非  
復其中阿蒙須信

中開陰陽大造雨露新功

叔母生日每歲兄弟多以校試莫遂綵衣團  
藥之樂今歲復爾良以致然小詞寄五兄

代勸

養得兒男百不中年年隨舉子踏春風一作年年奔

壽觴庭院燕泥融將雛處長是半西東移孝使為

忠兒行雖在遠母心同若將一念答天公歸來拜也

勝植雙紅

即唐次韻張大博方為叔母生日賦

莫雨收塵馬薰風起籬龍夜涼人鎖武成宮卻憶親

旁壽餅薦油葱誰錫詩人類應晞穎谷封兒行雖

遠母心通觸撥今霄夢逐綵雲東

瞻叔凡生日 五月三日

夢竟不踏正牙班直作五雲間簡編真樂堦篋雅韻

叔水清澗都將管急榮華事春夢曉雲看只期他

日寶頭受用大耐高官

南叔兄生日用前韻 五月六日

不居上界列仙班梅隱寄幽間玉堂雲曉玉珍兩夜

惚是真權如兄才譽居人上鵬路正看看只析兄

弟長隨母憐不愛高官

次韻許侍郎為叔母生日

壽觴庭上正柳明桃炫擬斫江魚鱠銀線披春風吹

入花錦城中惟有夢時到輕軒翠幃歸來春已過  
挑柳成陰但喜庭闈鎮強健更得故人書遺我瓊詞  
應重記去年相見望白鶴朱霞香難攀謾芳草如煙  
青青河畔

又次韻為婦安人生日

夫子同年第太常偶然一內亦同鄉其間更有真用  
處道義場中無別香花入思繡為腸不妨久月作  
重陽家人但散今年會猶欠腰金與鞠黃冬月重陽用美故事

鞠黃夫人

叔母生日劉左史


光祖

以余正月十日所與

為壽詞韻見貽至是始克再用韻謝之

彼美人兮不肯為時人  
樵東空自愛北窓睡  
美東隣  
酷熟不道有人成  
離索直教無計分  
膏馥望鶴飛不  
到暮雲高闌干曲  
駒在谷人金玉  
槃在陸人寬軸  
笑吾今何苦耐司  
空辱應為敖敖烏  
反哺真成落落  
地安足到梓州  
舊事上心來呼  
盃醪

重校鶴山先生大全文集卷之九十五



重校鶴山先生大全文集卷之九十六



長短句

再和班字韻謝南叔兄

見貽生日

北風不競帝師班兩足枯槁間且容湖使靜中藏拙  
世裏偷權一怍黑白終何若未可目前看自量愚  
分不堪世用只稱田官

生日謝同官

六月八日

四十之年頭顱如此豈不自知正東家尼父嘆無聞  
日鄒人孟子不動心時願我未能真自信等三十九  
年渾是非隨祿仕便加齊卿相於我何為 人間鬱  
鬱對耐誰借我五萬蒲葵上玉臺百尺天連野

樓千里江射晴暉此意分明誰與會但時把瑤笙和  
月吹吾歸矣有鴻相與和鶴自由飛

選趙閩州

希異

之官

凍雨洗煩濁烈日霽威光逸人去作太守旗志倍精  
芒沙外馬蹄香濕柳下旗隕晨濶景氣踏蒼蒼夾道  
氣成霧我獨犯顏行對顏行斟犀酒點頭綱請君  
酌此更伴頃刻笑譚香爲問錦屏富貴孰與熙寧諫  
議千古蔚儀章世道正頽靡此意儻毋忘

再用初八日韻謝通判運管以下

安石聲名買臣富貴我不敢知漫揚州汎汎浮湛隨  
水潛門軌軌開闔從時滿目浮榮何與我只贏得一

場間是非誠知此問不歸何待不飲胡爲 崑松澗  
篁易老應只能采菽烹葵看風沙漠漠未清紫羅煙  
雲冉冉時露晴暉誰喚當并劉越石爲携取胡笳乘  
月吹吾無用但寤言獨宿奮不能飛

次韻東叔兄見貽生日

內貴何妨知我希芳孫細佩石蘭衣不教塵外事雲  
壑淮向人間駕使駢憂國夢遶端闈靜言思奮不  
能飛時因風雨思晴昔嘆兩蘇公盍不歸

次韻高才卿

泰叔

見貽生日因以爲壽

桃李眩春晝松柏傲霜時春妍不必皆是晚秀未爲  
非畫斧河邊瘴霧叱馭關前險阻馬竭復人疲胡不

效儕等趣取好官爲 居之安于胥樂詠而歸種衰  
駛舌成市書史儼相圍月淡秋亭燈影日靜春齋  
索未聽杜鵑啼美酒無深巷莫道不吾知

次韻劉左史

光祖

和三月十八日詞見貽生日

開漢江山落手中蒲明花繁闌錦蒙戎與人和氣樂  
融融應憐我留滯劍南東 風味兩文忠恍如疇昔  
夜一尊同如今海內幾箇公胡天意猶在笑顏紅

次韻李參政

壁 見貽生日

閒放樓前千里目天邊雲大如國秋風入帽露華新  
無端憂國夢應到守封臣 舊部如今都有幾長教  
燕坐中申折楊笑面背陽春憂醒頭欲雪濁夢肺生塵

賀許侍郎奕得孫

三十作龍首四十得貂蟬愔然携取名節錦繡蜀山  
川攬轡扶桑初曉飲馬咸池未吁來日儘寬閒茲事  
亦云足所樂不存焉 女垂髫兒分鼎婦供鮮尊章  
青鬢未改和氣玉生煙造物猶嫌缺隘要啓公侯袞  
袞又畀賈嘉賢公更厚封植自古有豐年又畀賈嘉賢一作更

燈著一傳

杜安人生日

七夕長留河漢女重陽又屬騷人只餘八八號佳辰  
中和無與擬拈作一家春 俗事繁人何日了隨緣  
女嫁男婚却將不繫自由身間中書日月隨處弄兒孫

九日席上呈諸友

舊日重陽日嘆蒲城闌風去雨寂寥蕭瑟造物翻騰  
新機杼不踏詩人陳跡都掃蕩一天雲物挾客憑高  
西風外暮鴛鴦不盡秋空碧真意思浩無極 饒詩  
酒帽茱萸席箒今朝無誰不飲有誰真得子美不生  
淵明老千載寥寥佳客無限事欲志還憶金氣高明  
弓力勁正不堪回首南山北誰問鴈問消息

送趙監丞

赴利路提刑

西風吹信趣征鞍日高鴻鴈寒稻梁啄盡不留殘儂  
歸阿那邊無高着只蒼天將心何處安長教子孫  
蒲人間猶令儂意寬

逸客歸來道中再得數語

驪駒未撤客乘鞍征鞭搖晚寒  
鴈邊醒夢角驚殘關  
山斜日邊求道地託恩  
天人情久亦安轉移都在  
笑聲聞缺夫應也寬

茂叔兄

生日

雲外羣鴻逐稻梁  
獨乘下澤少游鄉  
赤心片片為人  
忙俗事縈纏何日了  
自身活計孰為長  
閉門筆卷  
聖賢香

許侍郎奕生日

惠我田疇極民水火春  
菡蜀東更山連驛  
眠長蛇隱  
霧紅移略約扶握切  
唯霓橫空人卧流  
蘇行席上公

心事夕闌晨枕中長自苦弄無人識得只有天公  
天教百般如願也應是天眼惺惺看田間泥飲門無  
夜打水瀆靈龜戶有朝春擬上公堂稱兒爵酒未抵  
人間春意濃無可願願城池亦與公壽無窮

李參政壁生日

宇宙一大物掌握什諸人人心不滿方寸坎北浩無  
垠或者寒蟬自比不爾禿犀貽笑齷齪竟何成胡不  
引賢者相與共彌綸未如何嘗試使問蒼昊是四時  
迭起代謝有屈豈無伸昨夜伶倫聲裏一氣排陰直  
上陽德與時新道長自今日持此慶生申

劉監丞翊之生日

迺翁表裏玉無瑕渾是得天多一生受用不完全處  
都補填他郎君心念和平處似得十分家天何以  
報重重印字滴滴簪彙

西叔兄生日

不肯呈身覓舉那能隨俗爲官梅花寒賦書寫月一  
味漂陽酸梅裏無邊春事書中千古送觀鄰翁不  
識清閒樂驚見蒲堂歡

許侍郎爽碩人生日

無端嫁得龍顏客富貴長相迫裴深碧落記駉鷲又  
逐東方千騎到人間婦前百拜兒稱壽季也參行  
酒最隣小女太憨生約住兩頭娘子索新聲

劉左史光祖之生正月十日李夫人之生以  
十九日賦兩詞寄之

老眼靜中看知我其天紛紛得失了無關花柳乾坤  
春世界着我中間一世念久闡珊隨寓隨安人情猶  
望衮衣還我願時清無一事儘使公閒

鶴外倚樓看雲颭晴天天高雞犬礙雲關掉臂雙仙  
留不徹還任人間客珮振珊珊來賀平安年年直  
待卷燈還似是天公偏看意占破春閒

叔母夢七十

兒前捧勸孫扶掖共慶寶釵孃七帙此杯不比尋常  
百年間才是省陌眼前綵繡成行立已應是天公

偏惜何須剝覓長年且只消一百二十

東叔兄生日

才難如此一門生許奇男子良公更是惺惺底千百  
年間一寸心爲紙人知公在詩書裏天知公在詩  
書外人間百順由公起公把無心摠備人間事

叔母生日同官載酒用去年詞韻

風雨移春醉夢中忽然吹信息隔灑我青燐風物換  
朱融吾歸矣家在月明東公等爲人忠年年稱母  
壽一尊同恨無佳句可酬公相期意滴滴小槽紅

叔母生日次韻許侍郎奕臨江仙爲壽

春院繡簾垂晷晷一天風月橫陳慈親初度紀嘉名

每從歌舞地猶記傑魁人大句忽隨烏鵲至恍如前  
歲逢春只祈歲歲及茲辰天風吹寶唾華彩動文星  
叔母生日同家人勸酒

唐右金華宅上有蔚藍天當年玉女何事未擺世間  
緣更把平夷心事散作吉祥種子春暖玉生煙回首  
生處所更欲與周旋一自歸來生處所已三年山頭  
白鶴候我應詩久留連已作秋風歸夢忽遍春風消  
息吹我着瀘川安得且歸去綿上飽耕眠

約程漕使過孫初進勸酒

記播然持節下青雲已月幾成弦待竹枝歌徹訟棠  
匝地靡草連天却尋當年舊夢來使蜀東川人物

寥其禁許回旋 愧我推擠不去尚新官對舊後任  
如前與故人飲酒月露寫明蠲嘆書生康時無計護  
憂思時墮酒痕邊且只願早休兵甲長見豐年

次韻費五十九丈

題秋山閣有感時事

霞下天垂宇倚闌干月華都在大明生處扶木元高  
三千丈不分閒雲無數護轉却人間朝莫萬古興亡  
心一寸只消消日夜隨流注奈與世不同趣 齊封  
冀甸今何許百年間欲招不住欲推不去聞斷河流  
障海水未放游魚甫甫嘆多少英雄塵土挾客憑高  
西風外問舉頭還見南山否花爛熳草蕃庶

次韻西叔兄訪王宣幹萬

夢隨瘦馬渡晨煙月猶弦稻初眠宇宙平寬着我一  
人間夢破枇杷香滿袂應喚我駐行鞵王氏之門批  
鴈聲砧砧落晴川撫流年夙區緣隨世功名未信果  
誰賢目斷孤雲東北角離復合斷還連時聞山東河  
方黃  
區處

即席次韻南叔兄同親友餞王萬里萬里回宣幕  
鬢霜盈握嘆芻牧荒墟稻梁衰索落日牛羊晚雲鴻  
鴈傍地飛空無託收人困和雨睡田父醉連雲酌醉  
夢未醒虎嘯川谷雷驚林薄離別誰不惡心事同  
時都不論離合眼底時幾鼻端人物誰辨北征東略  
最憐世途局趣只道書生踈闊無可贈君松陰庭院

菊華離落

即席次韻宋權縣縣約客

世道何常都一似水流雲出嘆自古燕巾濫竇楚山  
迷壁老我如今觀變熟行藏語嘿惟時適似滄溟容  
得乘禽飛雙鳥集花露曉松風夕經味永山光吸  
歷巖中老第察頭月日物欲強時心節制才資弱處  
書扶掖擬棕鞋桐帽子平生投簪鳥

即席和李潼川潼川真韻

清曉卧霜角月魄幾回哉一聲雲鴈清叫推枕賦歸  
來流水落花去路畫象棠陰陳迹霄觀傍樓臺別憶  
入梅艷愁色上田萊記來時驚列缺走吳回人間

都失七箸老婢亦驚猜正馬曉風鞭袖孤襟暮煙烽  
析揮却挂蛇杯不負此邦去笑口也應開

約李潼川飲即席賦

昨夜嚴家集

是夕飲于嚴氏園

霜斗風晴天乾坤如許空闊

着我兩人問醉帽三更月影別袂一簾花氣語雋不

知還二十年間事肝肺寫明鱗記相逢一似昨兩

經年風波鬧處推出心膽至今寒也為故人飲酒也

念邦人懷舊姑為駐征鞍未忍作離語留待月華圓

賀李潼川事改知常德府

更盡一杯酒春近武陵源源頭父老迎笑人似老癯  
仙檢校露桃風葉問評渚莎江草點檢舊風煙世界

要人拄公獨卧間邊 嘆從來分宇宙有山川主賓

均是寄耳羸得鬢毛班最苦中年相別更是人才難

得相勸且加餐歸為玉昆說時寄我平安

劉左史光祖生日慶八十

山嶽會元氣初度首王春扶持許太穹壤全德付耆

英二萬九千日力四百八旬甲子釀此傑魁人玉劍

卧霜斗金鎖聖主高學宗師人氣脉國精神不應

間處袖手試與入經綸登落蟠溪感遇迢遞數錢歲

月遠到添園椿用舍關時運一片老臣心

十五日同憲使觀燈馬上得數語

解后皇華並轡遊追隨世好學風流兒童拍手攔街

笑只是酸寒魏梓州 千炬燭數聲詎不知白了幾  
人頭 惺惚兩眼看來慣且得人心樂使休

十六日再賦

兩使星前東燭遊 滔滔車馬九河流耳聽宣政外平  
曲目斷炎興未復州 聞鼓吹強歡謳被人催逸作  
遨頭 憑誰寫掃妖氛靜却與人間快活休

再和四年前送寮所賦韻

一點陽和渾在裏 時來爾許芳好春風吹上醉痕邊  
雋歡欺淺酌清晤失佳眠 聊把繁華開笑口須臾  
兩送風般因花證得自家天 炯然長不夜活處欲生煙

汪提刑景宜人生日

莊敏傳家文安嫡 胃文惠諸孫兩大相輝晉秦匹國  
韓姑盈門 天風吹下雙軒恰趁得醅醖牡丹錦繡  
光中殿春不老閱歲長存

餞汪漕使景勸酒

可致潼人真慕顧 接得官時只道來何暮歲歲何曾  
椿得任遂人又見迎將去 謾自兒曹相爾汝心事同  
時千里元相梧况是棠陰隨處處秋江夜月春空霧  
王子振衣應生日同書院諸公各賦一闕

鳴蟬泊雨晴垂濕游龍翦岸涪江碧氣候爾和平滿  
家渾是春 公堂雖有酒不敵公真有壽宿對魁星  
頰紅衫鬢青

次西叔兄送南叔兄赴鈴幹見寄韻

中年怕踏長亭路便自有離愁苦  
自送君趨莫府惺惚鸞舌呢喃燕  
背那解春無語三年山月移朝  
莫獨倚松風等閒度到得除書  
縈絆佐却秋心不似當時皓月  
長伴君來去

即席和書院諸友

早厭人間腐鼠要希雲外飛  
皇羲和不肯擊朝陽任向鬢邊來  
往出谷聲中氣味編蒲冊裏  
明光至今心瞻爲渠狂夢倚銀潢  
天上

虞簡州剛簡生日

牛酒享賓客焦爛列前榮  
有人先事早計殘突伴孤

星香火家家繪象鑿鼓村村祠  
宇翦不斷人情清淚九臯鶴喚起  
夢魂惺白蘋洲芳草渡玉湖亭  
畫簾挂起筵款一卷易同盟  
携手錦江掩隱觀面黑池云叟  
扶杖蜀君平三老輟然笑雲散  
太空清

應提刑懋之生日

紅杏花邊曾共賞天涯還是相逢  
人言契分兩重重誰知聲利外  
別有一般同烟烟奇情雙亮處  
天光水色相通磨中旋蟻渺何窮  
共扶天事業此意政須公

范遂寧子長生日和所惠詞韻報之

千里樓高人與並箇中徹地通天  
秋風吹髮半成宣都將強歲月空  
對舊山川養就人才端有意公

長安知九十六  
三祖差肩偏輕偏重幾番船要公常把拖容我老閒邊

茂叔兄生日

占斷人間閒富貴長秋應是長春前山推月上簾旌  
緩觴燻舊友勾拍按新聲時倚晴空看過鴈幾州  
明月關情短君早已倦青真時來那得免事業窓螢

送西叔兄之官成都

逢着公卿誰不道人才難得須認取天根一點幾曾  
休息未問人間多少士一門男子頭頭立只其間如  
許廣文君誰人識冠蓋會漁樵席豪氣度清標格  
要安排穩當講惟詞掖蜀泮堂堂元不惡猶嫌偏惠  
天西壁囑公卿着眼看乾坤搜人物

劉左史光生日

天生耆德占斷四時先春院落錦山川萬家燈市明  
朱紫一庭花艷傍貂蟬婦承姑翁抱息子差肩

匠是文公開九帙

温公作文路公要八十樂語

陸續看武公踰九

十從九九到千千海風漫送天雞舞壺雷未喚登龍  
眠且從他歌緩緩敲咽

人日南山約雁提刑魁之

無邊春色人情苦向南山覓村村簫鼓家家笛初發  
祈蠶來趁元正七翁前子後孫扶掖商行買坐農  
耕織須知此意無今昔會得為人日日是人日

上元馬上口占呈雁提刑魁之

連夕雨盈疇先爲農家做麥秋更放年頭晴甲子知  
不應是天公及爾游 隨事與民求又與隨時驗樂  
憂民氣樂時天亦好休休爲爾簪花挿滿頭

過凌雲和張大博方水調歌頭

千古峨眉月照我別離杯故人中歲聚散脉脉若爲  
懷醉帽三更風雨別袂一簾山色爲放笑眉開握手  
道舊故抵掌論人才一山中人竈間婢亦驚猜江頭  
新漲催發欲去重裴回世事悠悠滿鬢歲月匆忽上  
面渴夢肺生埃酒罷聽客去公亦賦歸來

張大博方送別璧津樓再賦卽席和

檣櫂漢嘉口更盡涓城杯凌雲山色似爲行客苦傷

懷橫出半天煙雨鎖定一川風景未放客船開想見  
此樓上閱盡蜀人才 山猿鶴江鷗鷺亦相猜看爲  
日夜東注全璧幾人回客亦茫然成笑多少醉生夢  
死轉首拗成埃信在四時耳寒暑往還來

次韻黃叔州 滿江紅

風引舟來恰趁得東樓嘉集正滿眼輕紅重碧照筵  
浮席更是姓黃人作守重新墨妙亭遺跡對蒼天疎  
雨話鄉情更籌急 嗟世眼迷朱碧氣勢才呼吸  
波蔡章安在千年黃筆腐鼠那能鷓鳳嚇怒蜩未信  
冥鷗翼與史君酌酒醉興亡澆今昔

次韻黃叔州 水調歌頭

煙雨斂江色江水大外林邊忽一枕霄夢忽忽到無  
懷苦被江頭新漲推起天涯倦客萬里片帆開收用  
到我輩天下豈無才路漫漫行又止信還猜淵魚  
得失有分須載月明可寄語鶴山親友若訪吾廬花  
柳爲我掃煙埃去去黨無辱振袂早歸來

次韻慶雲憲剛簡新作芭綠亭

江橫山簇栢箭森如束滿眼煙蓬撥亂知幾歲未膏  
沐快意忽破竹一盃明翠玉千古江山只麼人都  
道爲君綠

生目前數日楊仲博約載酒見訪即席次韻

風定波紋細夜無塵雲迷地軸月流天位搖裔飛來

岳鶴猶作故鄉嘹唳清境裏律令無睡應嘆余生  
舟似汎浪濤中幾度身嘗試書看恨劍無氣從渠  
俗耳追繁吹撫空明一窓寒簾對人如砥夢倚銀河  
天外立雲露惺惺滿袂看多少人間嬉戲要話斯心  
無分付路茫茫還有親朋至應爲我倒壘沈

李季允童約登鄂州南樓即席次韻

攜月上南樓月已穿雲去莫照我眉最上峯同在峯  
前住東望極青齊西顧窮商許酒到憂邊揔未知  
猶認胡床處

李季允童同總漕載酒湖相送即席再和

能得幾時留王事催人去翠蕩涵空酒滿船苦要留

人住 身世兩悠悠飄泊知何許但得心親志合時  
都是相逢處

李季允曾爲白芙蓉賦卜筮子至是以早得

兩借前韻有賦

風雨滿空霏摠得江山妙洗出湖光鏡似明不受纖  
塵宛 心事竟堪爲大意真難料呼吸豐年頃刻間  
世合軒渠矣

次韻西叔詹叔兄嘉甫弟惠生日 詞

昨夢鶴山去風景依稀時新藕花拍滿欄檻松竹被池  
頻盡日兄酥弟酪觸處言籍義牒相對只翁卿高魏  
夢覺帝鄉遠有酒爲誰傾 忽飛來天外句夢中人

自憐何事彊把麋鹿裹朝紳一作便思歸掃崑坐看  
九衢車馬鞭策長安日月擔閣太玄經只說來時節  
金氣已高明

孫靖州 應龍 生日 八月八日

恰秋光四十箕斗外月初弦笑淺瀨平蕪寒城小市  
掌許山川半生夢窺不到與君侯歲歲此周旋鞍馬  
空銷髀肉兜牟未換貂蟬 人生天地兩儀間須住  
百餘年數重封三三後天八八來日千千面前路頭  
儘闊放規模運量十分寬官職終還分定兒孫也靠  
心傳

又孫靖州 應龍 生日

九十九峯下百二十年州西風吹起客夢月滿驛南樓影入天河左界辰在壽星向上還是去年秋要和木蘭曲載酒壽君侯天邊信雲外步去難留隼觴庭院依舊已帶別離愁離合鐘情未免行止關人何事浪白世間頭將相時來作身健百無憂

范靖州良輔生日十月二十一日

猶記端門外鞭袖五更寒一聲天上鐘柝金鏡制畫關君向紫宸上閣我侍玉皇香案都號令入班夢覺帝鄉遠相對兩蒼顏玉圍腰金繫肘繡龍韉鄉人夜夜嚴近五馬度荆山收拾五湖氣度卷東藩曾見甲春意滿人間天錫公絕坡氣象自平寬

靖州江通判填生日

日上牛頭度歲辰黃鐘吹籥响乾坤弦歌堂上三稱壽風月亭前又見君人似舊景長新明朝六柱侍雙椿蠻邦父老驚曾見得似君家別有春

和虞塔惠生日

月上南箕還認得去年星曆知誰把一天星象盪塵朝昔若使平生渾自棄如公老大何嗟及更年來偏得鈍工夫蹉跎力溪嶺礙蠻煙隔穹壤斷江山空縱燕巾盪寶楚山囚玉小小窮通都未問忍聞同氣相煎急誦虞郎百字短長詩憂何極

范靖州良輔生日十月二十一日交十一月節

誰把瑤璣運化工參旗又挂玉梅東三三律琯聲餘  
亥九九玄經卦起中 新歲月舊游從一觴還似去

年冬人間事會盡終極分什翹關老令公郭令公以武舉翹關

科貢未

江通判墳生日

東窓五老峯前月南窓九疊坡前雪推出侍郎山着  
君窓立閒 離騷鄉裏在恰記庚寅度挹取芷蘭芳  
酌君子歲觴

綿州表兄生日初定去辰五月

被東風吹送都看盡蜀三川向涪水西來東山右去  
劍閣南旋家家破壤風宿數旬間澤不見炊煙踏遍

王孫草畔服明帝子城邊一萬家赤子日高眠絲管  
夜喧闐自梓遂而東岷峨向裏漢益從前人人里歌  
塗詠願君佞長與作蕃宣我願時清無事早歸相伴  
華顛

榮州表兄生日

幸有天遮蔽為西南空虛一面挺生男子塞下將軍  
支頤卧夜半攬衣推起掃十萬胡人如洗見說巴山  
稍馬退也都因糧運如流水劍以北一人耳 十年  
夢斷斜陽外怡歸來昌蒲醪酒祝兄千歲入從出潘  
誰不是誰是難兄難弟正樂意融融未已莫趣東方  
千騎去願時平華皓長相對間量只如此

高嘉定生日和所惠韻

高氏八千石，駟哄溢街坊。補天侏子誇，道錦繡家鄉。誰識書生心事，多要濟時行。已肯顧利名場，用我吾所欲，不用亦何傷。漢嘉守，又關歷幾塵，懣懣便教入從出，節都是分之常。但願國安人壽，更只專城也。好不用較彊梁，準擬耆英會，倚杖看人仕。

送蔣成父公順

風雪錮遷客，閉戶緊蒙頭。一聲門外剝，琢客有從予。游直自離騷，國裏行到林間。鶴山人屋畔萬里入雙眸，世態隨炎去，此意滯於秋。感畢浦懷結，朝咏夫不難，也與不皇將父母，尋師學道雖樂吾，母有離憂歲晚巫雲。

峽雨春日楚煙湘，月詩思滿歸舟。來日重過我，應記火西流。韓退之二云歐陽詹舍父母之養以來京師雖有離憂其志樂也此語有礙今反之

高嘉定生日 秦叔

記平時三星明處，尊前攜手相語。家山幸有瓜和芋，何苦投身官府。誰知道尚隨逐風華，為蜀分南土。依前廉取便，捲卻旌麾，提將繡斧。天口笑應許，逢初度從頭要為君數。怕君驚落前賢，莫東扶木三千丈，不照關河煙雨。誰砥柱想造物生才，肯恁無分付。九州風露待公等歸來，為清天步容我賦歸去。

上巳和黃成之類

尚記春歸日，錦繡表江城。誰推日馭西去，水認故鄉。

痕魚鳥自飛自躍紅紫誰開誰落天運渺無聲四序  
鎮如此當當復亭亭是何年修禊事暢幽情競傳  
元已天氣別是一般清便引鄭郊溱洧不道孔門沂  
泗大道掌如平待挽迷津者都向此中行

中秋

輕露濯秋風新樓插太空更遭逢解事天公爲喚羲  
和驅六馬將杲日掛簾櫳日影正沈紅須臾月在  
東自萬家樂意融融民意樂時天亦好聊與衆一尊同  
別吳毅夫趙仲權史敏叔朱擇善

湖雪上征衣春風送客歸萬楊華數點榴枝春事無  
多天不管教爛漫任離披開謝本同機榮枯自一

時筭天公不遣春知但得溶溶生意在隨冷煖鎮芳菲

江東漕使兄高瞻叔生日

端平丙申五月

堪怪兩外府使傳載朝纓雖云身在江表都號漢公  
卿莫是才堪世用莫是有人吹送中外爾聯榮天運  
自消息龍蠖不關情更尋思誰得失孰虧成替魚  
要向深渺猶恐太分明且願時清無事長把書生閣  
束歸踐對床盟強似抗塵俗歲歲上陪京

建康留守陳尚書生日

天地一大物扶植要人才人才誰是不肯隨俗強追  
陪與我言兮我願莫我知兮誰怨全仗帝爲媒此意  
久寥闊今見者留臺笏圍腰書物屋騎籠街時賢

白晝鬚髮老子抑名齋更取堂名其綠要把北山萬  
竹一日倚雲裁自處只如此將相任時來

淮西總領蔡少卿範生日

人物盛乾淳東嘉最得人貫江山幾許精神我已後  
時猶偏識君子子又相親 秋入塞垣新風寒上醉  
痕萬百般倚靠蒼蒼只願諸賢長壽健容老我着間身

中秋新河


正秋陰盛處忽盪起一冰輪甚漢魏從前才人勝士  
斷簡殘文都無一詞賞豈更擬將美色以非倫此意  
誰能領會自誇光景長新 得陰多處倍精神俗眼  
轉增明向大第高樓疑兒騃女脆竹繁烟此心到頭

未穩莫古人真不及今人坐看兩儀消長靜觀千古  
澆淳

偶書

被西風吹不斷新愁吾歸欲安歸望秦雲蒼蒼憶蜀山  
渺海楚澤平漪鴻雁依人正急不奈稻梁稀獨坐蒼  
茫外數遍盡飛 多少曹符氣勢只數舟燥葦一局  
枯棊更元顏何事花玉困重圍笑眼前未知誰恃恃  
蒼天終古限華夷還須念人謀如舊天意難知

重校鶴山先生大全文集卷之九十六



重校鶴山先生大全文集卷之九十七

歌行

送張總御金護餉益昌

陳陳之粟誇西都長旗一掃地無利民肌血事軍  
賦天平生此桑大夫有唐藩方旣袞拒中朝獨仰江  
淮租士安雖善操低昂弘羊百卅仍同塗要知元和  
國計簿不以末世供軍國人間遺利或盡取天下大  
本須持扶餉善美得張省主張省主乃建置不用新  
規模但云宅家本忠厚當爲己責盡宿逋操觚數草  
便民奏不用補瘡及益膏只將常賦供調度澤中有  
水民其蘇八十餘年久胡虜有弓未弛仍張舒軍儲

拉拉日月禾植根雖固憂其枯矧今兩虎方血鬪坐  
使叢鷗為高鷗岸邊但用平平策主計不須急急為  
世封木牛固流馬塞南塞北無車才安西相君生專  
聞與公體國心腸敦智名勇功不挂眼男粟女布思  
其余玉皇正用富良相當見二公對府持鈞樞

南關行

北城之陽有南關李家石林丈人作上有儲皇身善  
顏下有先世海熊脚前瞻平遠後圍閣左揭巒頤右  
龍鶴丙丁架上書衡從甲乙楹前石參錯有時晨策  
披氈益九萬帝青闔簾幕有時夜几憑沈寥海牛挂  
空月為賓啾噓帶聲不我即沈沈春風無處著斯干

秩秩兄弟好伐木丁丁友朋樂我亦時為末至賓尊  
前往往追酬酢手挽我觀南山南山分明在天角  
豈不陪朝隣浮雲翳林薄浮雲白衣蒼狗耳須更變  
態山自若置之姑勿道願言細商略試觀天地之最  
中坎北離南儼成列人一心位兩間取象為離豈  
徒設譬言如南方萬物皆相見又如日中纖微靡不炳  
亭真當富外絢絢遠看為魚近夫婦相觀宇宙俯今  
昨隨事炯然存且晝敢金鑠主人聞此笑而興謂我  
此言亦觀濠次成古歌行聊富南關說

山河嘆送劉左史光祖歸簡州

山河劫戒南北分天地一氣華戎鈞壁諸指搗非善

事往往四體為不信惟午醜虜相噬吞人言雪恥茲  
其辰孟驅下莊刺鬪虎又嗾虜從擒狡魄 天王仁

愛兼南北猶遣外夕蘇窮鱗諸公亦復剝前誤開戶  
不肯顧鬪鄰流移降附莫皇卹斬艾驅迫如窮窟誰  
知炎炎將及我事體不與開禧倫竟因示弱啓狄侮  
羽書臯亦白驚嚴宸 天王坐朝色不怡我非爾畏民  
吾民急從雨中散桑土更向火後移突薪大官亦復  
變前說羣而和者非一人 制書工寧示招納符檄

旁午中拊循臣某

一作

奉詔移江介臣某

一作

董師

留漢賓西南憂顧誰其寬即授臣某  
居詔留用奏士  
何廷論忽中變復議保境思和親迂雷烈風僅翻覆

明虹霽日俄交巡敵人擲榆膽滿幹志士憤鬱齒穿  
齧東由海泗盡襄漢西起梁汧連房均暴散蹀血蔽  
原谷奪險因粮空壘圍料軍意塞或自整列校偃蹇  
不可馴縣徵更賦不遺筭郡空少府無餘繕邊頭被  
兵用屬耳公私已屈憂方新靜惟人事百困一恃以  
士恐惟 蒼蒼夏蒼蒼是莊莊君為崖登見咎異來相因  
連年夏旱天無雲江淮湖浙田生塵飛蝗排空如羽  
陣噍類狼衆何訛誅隸南山萃陵谷異台土兀兀如  
轉輪春秋二百四十載地震纒五茲何頻去年東南  
復告旱徧以牲幣走百神太陽朔蝕我無光金星晝  
見亦累旬漢河沸騰地移軸涇潼溢溢濤翻銀星文

屢變古符圻陰象較著陽德屯外爲兵戈爲裔夷內  
爲宮壺爲君主臣 天心渝終有如此猶以譴告施其  
仁懼而修政庶可弭災不知警將仍臻且如前年旱  
蝗日開道求諫放明論庭中不鳴自如故猶有下位  
人姓陳內言掖房之件令外及丞相之押質能如章  
向觸權忌不効欽求攻上身同時六館之臺彥陳義  
固爭兀眈眈藐如狃懼亦異已宰士忿疾丞相嗔彼  
唐改鐸何物耳詞鄙意佞如吠信外省胡獨行其言  
公然賤王而貴璫自時倣後益懲創焉絕言路志諾  
詢直臣久矣其棄棟公道不迪隨荒榛嘗居不疑轉  
精忌稍負望齊允沈淪人心所同即天意四方慶寔

天亦輦公今掉頭不肯住携家歸踏西園春大賢與  
國同休感寧忍赤子方顛諱我非荷蕢不知聲擬効  
執輿來問津請賦白駒之存章願公飲西車無巾

致語

嶽新刊略左軍使

元都觀裏桃李樹久壞既去之恩房相湖邊攜一羣羊  
復動重來之喜皇星有爛披霧爲榮恭惟都運龍圖  
雅量鎮浮高標萬俗遠考世家之譜涇渠策震近稽  
昆友之原棣華難離離齊職任諷者休聲尚滙贊省  
之游游領專城之寄十夷州之卉服未浪謳歌九折  
改之棠陰蘭蕙散芾東征在即北去胡爲爰政宣華

用讎雅踐惟公正廉明之譽及東清朝宜彫殘困弊  
之餘迺煩臚使生諱收既輿允維均知府校書既忝  
葭草又同桑梓偶此分符之未幾屬聞濡纒之來臨  
不及陪臨印諸公爭從門下以獻酒尚能以廣漢太  
守借縣令而先驅拜琴等幸觀光華獲居卑未聊陳  
韻語用替華筵

口號

恠底梅花破鴈前祇因春色到湖邊  
虹飛雲錦看華轡贈縷黃絲  
袂玳筵今日芳園供解后明朝漢省接  
馨妍一觴避莫霜天曉梅竹聲中更少延

燕孫筵推

望之

考辛未鼎利之目粵惟文懿之賢由甲子三周而來  
又見聞孫之盛豈惟士大夫郡有此鮮儷蓋凡儒家  
者流指於榮觀工歌鳴鹿之三燕舉嘉魚之什恭惟  
某官書樓名胄山學故家稱諸孫之孫世謂君子  
之子行誼謂然於大學名聲藉甚於諸公十年不出  
都城未嘗有許史廬而入全張館一朝遂擅天下殆  
將摩屈賈壘而短曹劉壻由河陽虜士廬佐西川節  
度府雖負陸侯之寶劍喜扶潘母之輶軒將不待於  
外庸便入跡於中祕毛女峯前尋舊約紫鷲禁裏著  
重遊知郡校書向來投分於儒庠今者託交於仁里  
第二舉狀元及第真不輸胡旦之等十三名進士登

科敢謂傳和疑之鉢危階符之兩兩慶前後之三三  
仰普華筵可無韻語

口號

身是書樓東眷孫老僊况復種僊根高科恰是承先  
瑞盛事還應表里明堂上承顏情最樂忽前草制夢  
猶存着鞭且向長安道春色如西棠詔溫

重校鶴山先生大全文集卷之九十七

